

**JP «HORIZONTALA-ŽIVINICE»d.o.o. za
pružanje usluga i promet roba export-import
ŽIVINICE
Broj:01/1- 1278/21**

**Izvještaj o radu i finansijskom poslovanju
JP«Horizontala-Živinice» d.o.o. Živinice za 2020.godinu**

Živinice, maj 2020.godine

Sadržaj:

Uvod.....	3
Kapital i vlasnička struktura.....	3
Upravljanje preduzećem.....	4
Skupština	4
Nadzorni odbor.....	4
Uprava	4
Odbor za reviziju	4
Unutrašnja organizaciona struktura.....	4
O djelatnostima	5
Centralno grijanje	5
Javne površine	6
Javni parkinzi.....	8
Sedmična pijaca	9
Gradsko groblje.....	9
Upraviteljstvo u SPO	10
IZVJEŠTAJ O FINANSIJSKOM POSLOVANJU JP "Horizontala-Živinice" d.o.o. za period 01.01.-31.12.2020godine.....	11
1. ZAPOSLENI	11
2. IMOVINA.....	11
3. OBAVEZE	12
4. PRIHODI.....	12
5. RASHODI	13
6. REZULTAT POSLOVANJA:	14
Obrazloženja.....	14
Zaključak.....	18

Uvod

Javno Preduzeće «Horizontala-Živinice» d.o.o. Živinice, u 100%-noj je svojini Grada Živinice.

Do oblika u kojem posluje danas, preduzeće je prošlo niz transformacija sve do 2005. godine, kada je registrovano kao javno preduzeće i kada je dobilo u nadležnost upravljanje slijedećim komunalnim resursima:

- gradsko centralno grijanje,
- javne površine,
- javni parkinzi,
- gradsko groblje,
- sedmična pijaca Ciljuge,
- zajedničko održavanje i upravljanje stambeno-poslovnim objektima,
- vrši asistencije, po ugovoru i na zahtjev općine, na uklanjanju bespravno izgrađenih objekata i obavlja druge poslove

Upravljanje navedenim resursima u cilju obavljanja djelatnosti JP "Horizontala-Živinice" d.o.o. Živinice odvija se na osnovu Odluka Općinskog odnosno Gradskog vijeća i Gradonačelnika od kojih su najvažnije slijedeće:

- Odluka o snabdijevanju korisnika toplotnom energijom
- Odluka o povjeravanju javnih ovlaštenja,
- Odluka o privremenom korištenju javnih površina na području Općine Živinice,
- Odluka o cijenama parkiranja na javnim parkiralištima,
- Odluka o Gradskom groblju-mezarju Živinice i pogrebnoj djelatnosti na području Općine Živinice,
- Rješenje o imenovanju prinudnog upravitelja i druge.

Kapital i vlasnička struktura

Kapital preduzeća vodi se kao 100% državni. Ukupan kapital na dan 31.12.2020. godine po poslovnim knjigama iznosi 177.093,00 KM.

Struktura ukupnog kapitala JP "HORIZONTALA-ŽIVINICE" d.o.o. Živinice na dan 31.12.2020. godine je slijedeća:

1)	Upisani kapital	2.000	KM
2)	Revalorizacione rezerve	392.855	KM
3)	Neraspoređena dobit	379.639	KM
4)	Akumulirani gubitak	-(633.768)	KM
	U K U P N O :	140.726	KM

Upravljanje preduzećem

Organi upravljanja u preduzeću su :

1. Skupština,
2. Nadzorni odbor,
3. Uprava
4. Odbor za reviziju

Skupština

Skupština preduzeća je najviši organ upravljanja preduzeća. U toku 2020. godine Skupština je funkcionisala kao privremena u slijedećem sastavu:

1. Teufik Trumić, predsjednik
2. Jasmin Džinić, član
3. Raif Kadrić, član

Nadzorni odbor

Nadzorni odbor je u toku 2020. godine takođe funkcionisao kao privremeni u slijedećem sastavu:

1. Muhamed Jahić, predsjednik
2. Elvir Abadžić, član
3. Halid Alibašić, član

Uprava

Upravu preduzeća čini direktor, a funkciju vršioca dužnosti direktora u toku 2020. godine obavljao je Čazim Tulumović.

Odbor za reviziju, djelovao je u periodu od 01.01.2020. do 31.12.2020. godine u slijedećem sastavu:

1. Suad Alić, predsjednik
2. Amra Muhić, član
3. Ismeta Ramić, član

Unutrašnja organizaciona struktura

Aktuelna organizaciona struktura JP "Horizontala-Živinice" d.o.o. Živinice uspostavljena je na osnovu Pravilnika o organizaciji i sistematizaciji radnih mjesta broj:NO-1077/18 od 16.05.2018. godine i Pravilnika o izmjenama i dopunama Pravilnika o organizaciji i sistematizaciji broj:NO-1777/18 od 25.09.2018. godine i po istoj je predviđeno da u preduzeću djeluje 7 službi sa 41 radnikom. Navedeni Pravilnici su prvostepenom sudskom presudom u maju 2019. godine proglašeni nevažećim i po osnovu istih se očekuje izjašnjenje odnosno drugostepena sudska presuda od strane Kantonalnog suda u Tuzli. Do izricanja drugostepene sudske presude Pravilnici su u primjeni.

U preduzeću su u 2020. godini djelovale slijedeće Službe:

1. Uprava Društva,
2. Služba interne kontrole
3. Služba za ekonomsko-finansijske poslove
4. Služba za pravne i opšte poslove
5. Služba za javne parking prostore i tržnice
6. Služba za javne površine
7. Služba za centralno grijanje i pogrebnu djelatnost

Izveštaj o radu i finansijskom poslovanju Javnog Preduzeća «Horizontala-Živinice» d.o.o. Živinice za 2020. godinu, prikazati ćemo, pored uvodnog dijela, u prvom dijelu kroz stanje i aktivnosti po djelatnostima, drugi dio izveštaja se odnosi na finansijske pokazatelje i na kraju, zapažanja i zaključci.

O djelatnostima

Centralno grijanje

Gradsko centralno grijanje, je dugo vremena bilo osnovna djelatnost i glavni izvor prihoda preduzeća.

U ranijim izvještajima upoznati smo da je iz tehničko-tehnoloških i ekoloških razloga, a usljed dotrajalosti i nedozvoljene i prekomjerne emisije štetnih materija u životnu sredinu, prestao da radi veliki dio u gradu instalisanih postrojenja za proizvodnju toplotne energije.

U 2020. godine gradsko centralno grijanje radilo je sa dva odvojena kotlovska postrojenja, “Kotlana S-1” u dijelu grada oko hotela “Konjuh” i “Kotlana Šumarstvo” u dijelu grada oko upravne zgrade JP«Horizontala-Živinice» d.o.o. Živinice, koje zajedno predstavlja ukupan instalisani kapacitet kotlovskih postrojenja kojim je naše preduzeće upravljalo u prethodnoj godini.

Ukupni instalisani kapacitet je 1.400,00KW, a od čega je u “Kotlani S-1” 1.200,00KW i u “Kotlani Šumarstvo” 200,00KW.

Ukupno instalisani kapacitet, posebno u “Kotlani S-1”, nije u potpunosti iskorišten zbog nedostatka toplovodne mreže u ovom dijelu grada.

Kotlovsko postrojenje u “Kotlani S-1” snabdijeva toplotnom energijom oko 950,00 m² poslovnog i oko 4.900,00 m² stambenog prostora, dok u “Kotlani Šumarstvo” snabdijeva se oko 900,00 m² poslovnog i oko 200,00 m² stambenog prostora, tako da ukupno 1.850,00 m² poslovnog i 5.100,00 m² stambenog prostora snabdijevamo toplotnom energijom iz naših kotlana.

Po završetku sezone grijanja 2019/20, na vrlo zahtjevnom dijelu ispod SPO" S-1" i ispod ulice 25. Novembar, zbog dotrajalosti postojećih vodova, izvršena je zamjena toplovodne mreže oba voda sa novim cijevima u dužini od oko 100,00 metara.

Ova aktivnost je izvršena u vlastitoj režiji, kako bi se smanjili troškovi, a vrijednost ove investicije je oko 15.000,00KM.

Takođe po završetku sezone grijanja postojeća kotlovska postrojenja su redovno remontovana u prekidu sezone grijanja i spremljena za narednu sezonu grijanja za snabdijevanje korisnika toplotnom energijom neposredno uz same lokacije postojećih kotlana, a sve do konačne toplifikacije grada, na jedan od predloženih načina, a oko čega su pokrenuti radovi na izgradnji nove gradske toplovodne mreže od strane Grada Živinice.

JP«Horizontala-Živinice» d.o.o. Živinice prati aktivnosti Grada Živinice oko izgradnje toplovodne mreže i spremna je kadrovski uskladiti svoj plan rada sa planom rada i aktivnostima Grada Živinice koji ide ka konačnoj toplifikaciji

Do tada ostaje da postrojenja za proizvodnju toplotne enrgije rade sa postojećim režimom i kapacitetom.

Javne površine

Javne površine su jedna od perspektivnijih djelatnosti povjerena ovom preduzeću Odlukom o povjeravanju javnih ovlaštenja od strane Općinskog vijeća Živinice.

Prilikom povjeravanja javnih površina ovom preduzeću 2005.godine, prihodi od zauzimanja javnih površina su bili gotovo zanemarljivi, a sada su u stalnom porastu, tako da bi daljnjim razvojem u narednom periodu, mogli u velikoj mjeri da utiču na porast prihoda preduzeća.

Naknada od privremenog zauzimanja javnih površina, radi obavljanja raznih djelatnosti u dosadašnjem periodu, a posebno u 2020.godini, predstavljala je najznačajne prihode ovom preduzeću.

U skladu sa Odlukom o komunalnom redu i Programom o zauzimanju javnih površina, te Odlukom o privremenom korištenju javnih površina na području grada Živinice, u saradnji sa nadležnom službom gradske uprave, a s obzirom da sredstva prikupljenih na ovaj način idu direktno na podračun budžeta Grada Živinice, i u 2020. godini ostvareni su približno planirani prihodi od ove djelatnosti.

U 2020.godini na privremeno korištenje javnih površina, u skladu sa programom o zauzimanju javnih površina, odobreno je korištenje javnih površina po svim vrijednosnim zonama i za namjenu:

- ugostiteljsko –trgovinska djelatnost oko 70,0 korisnika je zauzimalo približno 2.900,00 m² javne površine,
- za postavljanje kioska odobreno je, 28,0 lokacija na oko 260,00 m² javne površine,
- za postavljanje kablova kablovskih interneta i tv operatera (4,0 operatera) oko 70.000,00 metara dužnih,
- zauzimanje javnih površina od strane telefonskih i elektro operatera,
- za postavljanje garaža odobreno je oko 120,0 lokacija na oko 2.000,00 m² javne površine,
- za ostale namjene oko 50 korisnika i dr.

Evidentirane su gotove sve poznate privremeno zauzete javne površine, za koja su izdata odgovarajuća Rješenja o odobrenju korištenja ili utvrđivanju naknade za korištenje istih i uz pomoć nadležne gradske inspekcije postižemo sve veći stupanj realizacije i naplativosti za privremeno zauzimanje i korištenje javnih površina, a u spornim slučajevima već odlučuju nadležni pravosudni organi.

Posebno veliki trud, napor i napredak, kako ranije, tako i u 2020. godini uloženi su da se konačno ustroji evidencija podzemnih i nadzemnih elektro, telekomunikacijskih i drugih vodova preko javnih površina kako bi se utvrdila i naplatila naknada za korištenje javnih površina u ovu svrhu od strane Elektroprivrede, Elektroprenosa, BH Telecoma i drugih telekomunikacijskih preduzeća, a sve prema važećim propisima iz ove oblasti, a rezultati intenzivnog rada u ovoj oblasti vidljivi su u stalnom porastu prihoda od korisnika javnih površina po ovom osnovu, a u narednom periodu očekujemo sve bolje rezultate.

Važno je napomenuti da je u 2020. godini Gradsko vijeće Živinice donijelo odluku o umanjenju naknade za korištenje javne površine u I. zoni sa 6,00 KM/m² na 4,00 KM/m². Kako je najveći broj korisnika javnih površina u I. zoni to je najviše i uticalo na prihode od ove djelatnosti.

Takođe u vrijeme epidemije došlo je do zabrane rada ugostiteljskih objekata, trgovina, butika i sl., te isti u tom periodu nisu zauzimali javne površine i nisu imali obavezu plaćanja naknade što je dodatno uticalo na prihode od javnih površina.

Javni parkinzi

Javni parking prostori u gradskoj zoni takođe su povjereni ovom preduzeću.

Javni parking prostori funkcionišu tako da je na svim javnim gradskim parkinzima postavljena automatska oprema za naplatu parkinga uz stalni nadzor uposlenika Jp-a.

Na Javni parking prostor označen kao JP-17 (iza zgrade općine) postavljena je ulazno-izlazna, poluautomatska oprema za naplatu parkinga, koju je nabavilo naše preduzeće.

Na preostalim javnim parkinzima u gradskoj zoni postavljeno je ukupno 24 aparata za naplatu parkinga. Međutim u funkciji je samo 12 (ostali neispravni parkomati nisu u ugovornom roku servisirani od strane isporučioaca opreme zbog čega je pokrenuta tužba) kao i zatvoreni parking sistem na javnom parkiralištu iza zgrade općine, a koji je onesposobljen u saobraćajnoj nezgodi zbog čega je pokrenuta tužba (čeka se vještačenje oštećenja, gdje će se nakon vještačenja krenuti u postupak pokušaja popravke istog).

Na većini javnih i rezervisanih parkinga u gradu postavljena je vertikalna i horizontalna signalizacija, koja se redovno pregleda i obnavlja.

Javni i rezervisani parking prostori su izdavani prema zahtjevima korisnika, a odobreni su prema namjeni:

Na javnim parking prostorima izdate su povlaštene karte preduzećima i institucijama na više lokacija sa ukupno 82 povlaštene karte.

Rezervisani parking prostori uz stambeno – poslovne objekte oko 280,00 parking mjesta

Naplata, svakodnevna, parkinga na javnim parkiralištima (na 1 jednom parking prostoru je putem naplatne rampe zatvoreni sistem ESPAS 30), a na 12 lokacija javnih parking prostora putem postavljenih 24 parkomata od kojih je trenutno ispravno 12 parkomata.

Ugradnjom automatske opreme za naplatu na javnim parkiralištima, evidentan je stalni porast prihoda od ove djelatnosti, a stvaraju su i uslovi da rast prihoda sa parkirališta i u narednom period bude u kontinuitetu.

Evidentna je potreba za novim parkiralištima u gradskoj zoni. Prvenstveno je potrebno urediti parking prostore iza zgrade "Hanka", proširenje postojećeg parking prostora kod bivšeg hotela "Konjuh", uređenje javnih parkirališta kod TC Omega, izgradnja novih parkirališta u naselju Jezero pored magistralnog puta i dr., a sve u saradnji sa Gradskom upravom Živinice.

U maju 2019. godini uveden je elektronski postupak kontrole naplate javnih parkirališta putem softvera „IP Maris“ na osnovu kojeg ovo preduzeće ima potpunu kontrolu i evidenciju izdatih obavijesti o učinjenim prekršajima kao i potpunu kontrolu rada kontrolora na javnim parkiralištima.

Takođe ovo preduzeće je dobilo saglasnost Federalnog ministarstva pravde BiH za pristup registru novčanih kazni, te je krajem 2020. godine stavljen je u funkciju sistem čime se svi

neplaćeni prekršajni nalozi deponuju u registar novčanih kazni, a čime se očekuje značajniji rast prihoda sa javnih parkinga.

U 2020.godini, odlukom Gradskog vijeća Živinice, ukinut je jedini parking I. zone u ulici A.Izetbegovića, a što je značajno uticalo na prihode.

U ulici Meše Selimović, Grad Živinice je izgradio novi parking prostor na oko 2.500,00 m² i dao ga na upotrebu ovom Jp-u.

Napomena: U periodu vanrednog epidemiološkog stanja nije vršena naplata parkiranja na javnim parkinzima.

Sedmična pijaca

Sedmična pijaca "Ciljuge" ima značajno mjesto u poslovanju ovog preduzeća.

Godišnji prihod sa sedmične pijace u 2020.godini je približno isti kao i prethodne godine, a isti je ostvaren sa manje radnih dana (uvećan dnevni prihod) radi zabrane rada pijace i okupljanja u vrijeme vanredne epidemiološke situacije i zabrane rada od strane Federalne uprave za inspekcijske polove zbog neposjedovanja upotrebne dozvole za rad pijace.

Izradom projektne dokumentacije, izdavanjem urbanističke, građevinske i upotrebne dozvole sedmična pijaca ponovo je počela sa radom.

Daljnjim planiranim uređenjem i boljom organizacijom planiramo ostvariti i veće prihode iz ove djelatnosti nego u ranijem periodu.

Gradsko groblje

Gradsko groblje Živinice je jedan od objekata koji dat na upravljanje JP «Horizontala-Živinice» d.o.o.Živinice .

U prethodnom periodu, od kako njime upravlja ovo preduzeće, učinilo se puno na uređenju istog i ono je već dovedeno na zavidan nivo.

U 2020.godini služba za pogrebnu djelatnost na gradskom groblju pružala je svu neophodnu uslugu stanovništvu, na zadovoljavajući način, koju pružaju objekti ove vrste.

U periodu april-septembar u kontinuitetu vršeno je uređenje travnatih površina u okviru gradskog groblja, a sve u cilju da bi estetski ovaj objekat izgledao primjereno i da bi ga na taj način učinili jednim od najuređenijim objekata ove vrste.

Sa uređenjem i adekvatnim održavanjem gradskog groblja i pružanjem usluga na zadovoljavajući način stvoreni su preduslovi da i prihodi od ove djelatnosti budu u porastu.

U 2020.godini na Gradskom groblju Živinice izvršeno je 111,0 ukopa, 59,0 rezervacija, 84,0 uređenja i 241,0 održavanja grobnih mjesta.

Takođe, u narednom periodu nastaviti će se i dalje, još kvalitetnije, pružati usluge građanima i usmjeriti se na još bolje redovno održavanje i uređenje cjeline Gradskog groblja Živinice, što će istovremeno obezbijediti stalno povećavanje prihoda sa gradskog groblja, posebno putem naknade za održavanje.

Upraviteljstvo u SPO

Upraviteljstvo zajedničkih dijelova i uređaja zgrada u 2020.godini obavljali smo u istom kapacitetu kao i prethodne godine.

Po prilivu sredstava uplaćenih za zajedničko održavanje zadržavali smo dio od 15,0%, koji po zakonu pripada upravitelju za učinjenu uslugu, a prostali dio u saradnji sa Odborom etažnih vlasnika, po određenim prioritetima, utrošen je za održavanje, obnovu i uređenje dotrajalih dijelova stambeno-poslovnih objekata.

Naše preduzeće kao upravitelj ima ugovor sa 10,0 stambeno-poslovnih objekata u saradnji sa kojima je i vršena održavanje i uređenje zajedničkih dijelova objekata, a na osnovu odluka vlasnika SPO i tamo gdje je to najpotrebnije, a sve po prilivu sredstava od uplate naknade za zajedničko održavanje.

Ostale poslove ovog preduzeća u 2020. godini obavljali smo redovno i na zadovoljstvo korisnika naših usluga.

IZVJEŠTAJ O FINANSIJSKOM POSLOVANJU
JP "Horizontala-Živinice" d.o.o. za period 01.01.-31.12.2020godine

1. ZAPOSLENI

REDNI BROJ	OPIS	2019.	2020.	INDEX 4/3
1	2	3	4	5
1.	Broj uposlenika po kvalifikacionoj strukturi:			
	-VSS	9	8	
	-VŠS	0	0	
	-SSS	18	18	
	-KV	0	0	
	-NK	4	2	
	UKUPNO :	31	28	90,30

Napomena: Broj zaposlenih u tabeli je prikazan na bazi sati rada.

2. IMOVINA

REDNI BROJ	OPIS	2019.	2020.	INDEX 4/3
1	2	3	4	5
2.1.	Vrijednost stalnih sredstava (2.1.1+2.1.2.+2.1.3)	695.787	670.199	96,30
2.1.1.	Nematerijalna stalna sredstva:	440.623	435.003	98,70
	-Ulaganje u gradsko groblje	396.698	392.853	99,00
	-Ulaganje u stočnu pijacu	43.925	42.150	96,00
	-Softver	-	-	-
2.1.2.	-Materijalna stalna sredstva	255.164	235.196	92,20
	Zemljište	88.000	88.000	100
	Građevinski objekti	112.144	109.006	97,20
	Oprema	55.020	38.190	69,40
2.1.3.	Ostala stalna sredstva	-	-	-
2.2.	Vrijednost tekućih sredstava	633.270	633.727	100,10
	Zalihe i dati avansi	3.980	3.908	98,20
	Potraživanja od kupaca	283.638	272.559	96,10
	Potraživanja iz specifičnih poslova	63.118	71.336	113,00
	Potraž.za zatezne kamate po sudskim sporovima	258.166	258.166	100,00
	Ostala potraživanja	23.309	16.751	71,90
	Gotovina	1.059	11.007	1.039,00

3. OBAVEZE

Redni broj	OPIS	2019.	2020	INDEX 4/3
1	2	3	4	5
3.1.	Dugoročne obaveze	238.973	170.910	71,50
	Odloženi prihodi od Grada Živinice	29.141	18.270	62,70
	Odloženi prihodi od Ministar.za prost,uredjenje i okolicu TK	28.559	28.559	100
	Rezervisanja za trošk. po sudskom sporu-K.A.	10.613	-	-
	Obaveze iz specifičnih poslova-upraviteljstvo	77.948	86.476	110,90
	Dugoročni kredit kod Intesa SanPaolo Banka	92.712	37.605	40,60
3.2.	Tekuće obaveze	912.991	992.290	108,70
	Kratkoročni kredit-revolving kod Intesa San P.	100.000	100.000	100
	Kratkoročni kredit-revolving kod Sber Banke	50.000	50.000	100
	Kratkoročne pozajmice od pravnih lica	6.500	-	-
	Kratkor.dio dugor.kredita ISP Banka za 2020.	105.697	108.686	102,80
	-Dobavljači	204.872	190.704	93,00
	-Neto-plaće i naknade	94.787	107.223	113,10
	-Obaveze za poreze i doprinose u vezi plaća	120.263	184.386	153,30
	-Obaveze po Ugovoru o djelu	33.895	30.384	89,60
	-Obaveze za topli obrok , prevoz, otpremninu	8.255	10.193	123,50
	-Ostali porezi (porez na dobit i nakn. za šume)	1.245	1.602	128,70
	-Zatezne kamate	397	11.925	3003
	-Ostale obaveze	177.563	185.613	104,50
	PDV	9.517	11.574	121,60

4. PRIHODI

Struktura PRIHODA ostvarenih u toku 2020.godine prikazana je u slijedećoj tabeli:

Redni Broj	OPIS	VRIJEDNOST		Index 4/3
		2019.	2020.	
1	2	3	4	5
1.	Prihodi-UKUPNO (1.1. + 1.2.+ 1.3.)	1.392.652	1.118.947	80,30
1.1.	Prihodi od osnovne djelatnosti:	655.529	505.805	77,20
	-Centralno grijanje	110.940	115.050	103,70
	-Javne površine-rez.park., rekl.pan.	51.607	39.952	77,40
	-Parkinzi	310.543	193.582	62,30
	-Pijaca	60.543	57.069	94,30
	-Prihodi sa g.groblja-mezarja	94.731	87.477	92,30
	-Prihodi od zajedn.održavanja	3.497	3.605	103,00
	-Prihodi od ostalih djelatnosti	23.668	9.070	38,30
1.2.	Prihodi iz budžetskih sredstava:	381.904	319.341	83,60
	-Prihodi od donacija Općine (oprihodovani odloženi .prihodi)	34.464	10.871	31,50
	Podrška Općine Živinice- Odluka o izvršenju budžeta za 2020.-prihodi od javnih površina	347.440	278.470	80,10

	Prihodi iz budžeta Općine –Odluka o preraspodjeli sredstava zbog pandemije	-	30.000	-
	Ostali prihodi:	355.219	293.801	82,70
1.3.	Ostali finansijski prihodi-za Općinu za javne površine	347.245	278.199	80,10
	Kamate	64	-	-
	Naplaćena otpisana potraživanja	743	3.074	413,70
	Prihodi od otpisa obaveza iz kupoprodajnih odnosa	2.953	969	32,80
	Prihodi od isknjiž.obaveza po Rješ.Porezne uprave	-	7.727	-
	Ostali razni prihodi	4.214	3.832	90,90

5. RASHODI

U slijedećoj tabeli prikazali smo strukturu rashoda nastalih u toku 2020.godine:

Redni broj	O P I S	V R I J E D N O S T		Index 4/3
		2019.	2020.	
1	2	3	4	5
	Rashodi-UKUPNO (2.1. + 2.2.)	1.572.887	1.155.314	73,40
2.1.	Troškovi zaposlenih:	681.091	567.348	83,30
	-Neto- plaće i naknade	363.557	302.724	83,30
	-Porezi i doprinosi za plaće	218.700	183.727	84,00
	-Topli obrok,prevoz, regres,otpremnine , naknade za liječenje i slično	98.708	80.897	81,90
	-Troškovi službenih putovanja	126	-	-
2.2.	Ostali rashodi:	891.796	587.966	65,90
	-Troškovi sirovina i materijala	10.114	6.161	60,90
	-Troškovi energije -(ugalj,el.energija)	50.250	49.937	99,40
	-Troškovi ugovora o djelu	60.196	12.358	20,50
	-Troškovi Skupštine, Nadzornog odbora i Odbora za reviziju	16.020	20.144	125,70
	-Troškovi dodatnih obaveza za radnike po Rješ.Porezne uprave FBiH (za obaveze iz 2019.godine)	-	29.380	-
	-Troškovi ostalih poreskih obaveza i naknada (poseban porez zaštitu od nesreća , opšta vodna naknada, naknada za šume i dr.)	4.055	3.332	82,20
	-Transportne usluge	5.580	5.800	103,90
	-Troškovi održavanja i uređenja javnih površina	27.983	14.686	52,50

-Usluge održavanja (softver, fiskalni uređaji, web stranica, servisiranje kotlovnica i sl.)	6.035	6.917	114,60
-Amortizacija	73.412	33.919	46,20
-PTT troškovi	12.471	10.501	84,20
-Ostali razni trošk. iz redov. poslov.	31.422	20.025	65,70
-Kamate na poreze i doprinose utvrđene po Rješenj. Porezne uprave	-	11.573	-
-Rashodi po osnovu Sporazuma sa radnicima	38.657	8.703	22,50
-Troškovi parničnih postupaka i sudske taxe	8.890	6.794	76,40
-Finansijski rashodi- Općina za j.p.	347.245	278.199	80,10
-Ostali finansijski rashodi- novčane kazne, bankarske i ostale kamate, troškovi prinudne naplate, naknade štete drugim licima i sl.	28.387	32.434	114,20
-Gubici od umanjenja vrijed. potraživ.- od kupaca-rezervisanja	131.790	37.103	28,20

6. REZULTAT POSLOVANJA:

Redni br.	OPIS	2019	2020.	INDEX
1.	2.	3.	4.	5.
	POSLOVNI REZULTAT :	(-) 180.235	(-) 36.367	20,20

Obrazloženja

U vezi pokazatelja navedenih u tabelama važno je istaći slijedeće:

- 1) U tabeli 1. navedena je kvalifikaciona struktura i broj zaposlenih u 2020. u odnosu na 2019. godinu.

Broj zaposlenih u 2020. godini je prikazan na bazi sati rada što znači da je preduzeće po tom kriteriju u 2020. godini zapošljavalo 28 radnika.

Na godišnjem nivou broj zaposlenih se u 2020. godini smanjio za 9,70% tj. za 3 radnika u odnosu na 2019. godinu.

Od ukupnog broja zaposlenih u 2020. godini u JP "Horizontala-Živinice" d.o.o. je bilo 22 radnika zaposlena na neodređeno vrijeme a ostalih 6 su bili angažovani na određeno vrijeme.

Na osnovu ugovora o radu na određeno vrijeme angažovana je jedna radnica u Službi za ekonomsko-finansijske poslove, jedna radnica na poslovima održavanja higijene u upravnoj zgradi i zgradama kolektivnog stanovanja u kojima smo upravitelji, a ostali radnici su angažovani na parkinzima na poslovima kontrole, naplate na rampi i

slično, zatim na poslovima održavanja reda na gradskom groblju i na poslovima naplate i održavanja reda na sedmičnoj pijaci.

- 2) U tabeli 2. koja prikazuje imovinu preduzeća, u dijelu koji se odnosi na vrijednost stalnih sredstava možemo istaći da je u 2020. godini izvršena nabavka stalnih sredstava u ukupnoj vrijednosti od 8.330,79 KM. Nabavka se najvećim dijelom odnosi na nabavku kancelarijskog namještaja, računarske opreme i opreme za novi sistem naplate kazni tj. prekršajnih naloga izrečenih za nepropisno parkiranje na javnim parkinzima.

Kod potraživanja smatramo bitnim navesti da se najveći dio naših potraživanja odnosi na potraživanja od JKP "Komunalno" d.d. koje je u stečaju, te da smo po osnovu tih potraživanja nakon pokretanja stečajnog postupka u 2018. godini sa 433.444,26 KM (glavni dug + zatezne kamate) ušli u stečajnu masu. Međutim, naplata ovih potraživanja je veoma neizvjesna i kao takva je uzrokovala gubitke za naše preduzeće u izvještajnoj a i u narednim godinama. Naime, preduzeće se opredjelilo da zbog nemogućnosti naplate ovih potraživanja rezerviše gubitke sve do konačne likvidacije ovog preduzeća.

Takođe je bitno napomenuti da se veliki dio naših potraživanja odnosi na potraživanja od fizičkih lica za koja su najvećim dijelom pokrenute tužbe, izrečene presude, postignute sudske nagodbe i pokrenuta izvršenja ali je ista teško naplatiti iz razloga što su neki od dužnika umrli, neki nemaju imovinu, odselili su u inostranstvo i slično. Takođe su i neki privredni subjekti (vlasnici obrta i pravna lica) koji su bili korisnici naših usluga prestali sa obavljanjem djelatnosti, što usložnjava i onemogućava naplatu potraživanja. Ovo se naročito odnosi na korisnike centralnog grijanja.

Pri tome želimo istaći da se naša potraživanja od djelatnosti kao što su parkinzi, pijaca i gradsko groblje naplaćuju 100%, što je razumljivo obzirom na prirodu usluga koje se naplaćuju od korisnika u momentu izvršenja usluga.

Problemi kod naplate potraživanja od centralnog grijanja vezani su i za sam sistem napajanja toplotnom energijom koji ne omogućava otpajanje korisnika koji ne plaćaju svoje obaveze.

- 3) Kod obaveza smatramo vrijednim istaći :

-Po osnovu Ugovora o kreditu broj: 214970/16 sa INTESA SANPAOLO BANKA, u toku 2020. godine uplatili smo 6 anuiteta kredita u ukupnom iznosu od 57.185,62 KM jer nam je Intesa San Paolo Banka zbog pandemije COVID-19 u toku 2020. godine dva puta odobrila tromjesečni moratorij na otplatu kredita i to za period od 15.04.2020.-15.10.2020. godine.

Pored toga, u novembru i decembru 2020. godine, JP "Horizontala-Živinice" d.o.o., je kod Intesa San Paolo Banke zanovilo zaduženje po Ugovoru o kreditiranju broj: 2232 (revolving), tj. po osnovu revolvinga se i u 2020. godini ponovo zadužilo na iznos od 100.000,00 KM kod Intesa San Paolo Banke.

JP "Horizontala-Živinice" d.o.o. je takođe i sa SBER BANKOM zanovilo zaduženje na osnovu zaključenog Ugovora o kreditiranju za revolving sredstva iz 2019. godine i po osnovu istog ponovo se zadužilo u decembru 2020. godine na iznos od 50.000,00 KM.

-U cilju sprečavanja pojedninačnih tužbi radnika a time i blokade računa a u vezi isplate razlika plaća jer su iste umanjivane radnicima za period 01.01.2014.-31.12.2016.godine , JP"Horizontala-Živinice"d.o.o. je zaključilo notarski obrađen Sporazum sa radnicima broj:OPU-IP:44/17 od 21.03.2017.godine. Ovim Sporazumom stvorena je obaveza preduzeća da se za narednih 36 mjeseci a zaključno sa martom 2020.godine izmire obaveze prema radnicima za doprinose, porez na dohodak i neto plaće.

U vezi s tim u 2020.godini uknjižene su preostale obaveze po Sporazumu u iznosu od 8.703,00 KM koje se odnose na period 01.01.-21.03.2020. godine za 15 radnika. Ono što smatramo bitnim za istaći je da su do 31.12.2020.godine po osnovu ovog Sporazuma uplaćene samo obaveze za doprinose i porez na dohodak za tri radnika koji su otišli u penziju, a po osnovu razlika plaća koje treba izmiriti u korist radnika uplaćene su obaveze za samo jednu radnicu, dok su dva radnika na osnovu pokrenutog izvršenja pred nadležnim Sudom u 2020.godini naplatila svoje potraživanje.

Obzirom da je Sporazum dospio za plaćanje još 21.03.2020.godine, preduzeće je u stalnoj opasnosti od eventualne blokade računa od strane radnika .

- U 2020.godini naše preduzeće je isplatilo 11 neto- plaća sa pripadajućim doprinosima i porezom na dohodak od čega jednu za XII/2019 i deset za I-X/2020, što znači da zaključno sa 2020.godinom nismo izmirili obaveze za jednu dospjelu plaću(za XI/2020).

- U 2020.godini proknjižili smo Rješenje Porezne uprave FBiH broj: 13-3-02-12-20-1412-8/19 koje smo zaprimili 06.03.2020.godine.Navedenim Rješenjem utvrđene su obaveze po osnovu doprinosa, poreza na dohodak , parafiskalne obaveze i zatezne kamate u ukupnom iznosu od 93.022,30 KM od čega se iznos od 63.642,00 KM odnosi na neuplaćene obaveze za plaće za period 01.08.-30.11.2019.godine,koje su već bile uknjižene a 29.380,00 KM su dodatno utvrđene obaveze za doprinose , porez na dohodak i drugo za radnike koji su bili angažovani po Ugovoru o djelu na poslovima koji po svojoj prirodi proizilaze iz djelatnosti preduzeća i zahtjevaju angažman po Ugovoru o radu.

Inspeksijski nadzora na osnovu kojeg je izdato Rješenje obuhvatio je period 01.02.2018. do 10.12. 2019.godine . Navedenim rješenjem i Nalozima za plaćenje koje je izdala Porezna uprava FBiH a koji su uslijedili na osnovu izdatog rješenja i koji su doveli do obračuna zateznih kamata utvrđene su i uknjižene dodatne obaveze i rashodi u iznosu od cca 33.000,00 KM.

Obzirom da obaveze po osnovu navedenog rješenja nismo bili u mogućnosti izmiriti odmah tj. u zakonom propisanim rokovima , obratili smo se Poreznoj upravi FBiH molbom za sklapanje Sporazuma o plaćanju poreznog duga u ratama.

- Obaveze za PDV smo uredno izmirivali, kao i prethodnih godina, i ukupno smo uplatili po ovom osnovu u 2020.godini 114.300,00 KM.

- 4) Iz tabelarnog prikaza prihoda za 2020.godine vidimo da su ukupni prihodi u odnosu na 2019.godinu manji za 19,70 %.

Što se tiče prihoda od djelatnosti možemo istaći slijedeće:

Prihodi od centralnog grijanja i prihodi od upraviteljstva ostali su na gotovo istom nivou što je i razumljivo obzirom da su se usluge centralnog grijanja kao i upraviteljstva odvijale u kontinuitetu, nije bilo promjene broja korisnika kao ni promjene cijena usluga.

Primjetan je pad prihoda od parkinga i to za 37,70% a uzrokovan je prije svega pandemijom COVID-19, tj. uvođenje lockdowna, policijskog sata i drugim mjerama, usljed čega je broj redovnih korisnika javnih parking prostora drastično smanjen a izostao je i dolazak dijaspore tokom praznika i ljetnih mjeseci što je imalo značajan odraz na visinu prihoda.

Pad prihoda od parkinga vezan je i za činjenicu da su van funkcije javni parkinzi koji su u prethodnom periodu bili najprofitabilniji, a u lošem tehničkom stanju tj. neispravan je značajan dio naplatne opreme.

Međutim, kod djelatnosti parkinga smatramo važnim pomenuti da je uveden novi sistem naplate tj. sankcionisanja neurednih korisnika parking prostora koji u konačnom rezultira izdavanjem prekršajnih naloga koji ulaze u registar novčanih kazni i plaćaju se u korist budžeta Grada Živinice. Prave efekte ovih mjera očekujemo u narednom periodu.

Visinom prihoda sa Gradskog groblja, koji su manji za 7,70 % u odnosu na 2019.godinu možemo biti zadovoljni, jer na visinu ovih prihoda utiču i prirodne okolnosti.

Pitanje sedmične pijace je kompleksno i treba napomenuti da je pijaca u toku 2019.godine bila više puta predmet inspekcijskog nadzora zbog neispunjavanja uslova za dobivanje upotrebne dozvole što se nastavilo i u 2020.godini i rezultiralo njenim zatvaranjem u novembru 2020.godine. Međutim, obzirom da pijaca nije radila oko 6 mjeseci kako zbog pandemije COVID-19, tako i zbog drugih okolnosti, visinom prihoda sa pijace koji su manji za samo 5,70% u odnosu na 2019.godinu, možemo biti zadovoljni.

Prihodi po osnovu Podrške iz budžeta Grada Živinice odnose se na transferirana sredstva –prihode od javnih površina i manji su za 19,90 % u odnosu na 2019.godinu, a razlog je takođe vezan za pandemiju COVID-19 koja je uzrokovala skoro dvomjesečni prekid u obavljanju djelatnosti korisnika javnih površina.

- 5) Iz tabelarnog prikaza rashoda vidi se da su ukupni rashodi u 2020.godini manji za 26,60 % u odnosu na 2019.godinu.

U strukturi rashoda primjetno je smanjenje rashoda za plaće, poreze i doprinose zaposlenih i to u iznosu od 16,70%, što je vezano za manji broj uposlenih u 2020.godini u odnosu na 2019.godinu.

S tim u vezi manji su i troškovi za topli obrok, prevoz, regres i novčane pomoći radnicima .

Od ostalih troškova vrijedno je pomenuti da su smanjeni troškovi Ugovora o djelu, i to za 79,50 % što je vezano za činjenicu da je sa svim radnici čiji je angažman po prirodi posla propisan sistematizacijom zaključen Ugovor o radu.

Ovo pominjemo iz razloga što je upravo angažman radnika po osnovu Ugovora o djelu umjesto po osnovu Ugovora o radu inspekcijским nadzorom tj. Rješenjem Porezne uprave FBiH uzrokovao dodatne troškove za preduzeće, što smo prethodno objasnili.

Takođe smo u 2020.godini a iz razloga da iznos potraživanja u našim poslovnim knjigama bude realnije iskazana, rezervisali gubitke u iznosu od 37.103,00 KM po osnovu umanjenja vrijednosti potraživanja kod kojih je naplata veoma neizvjesna.

Iz tabularnog prikaza rashoda uočljivo je da su skoro svi ostali rashodi značajno manji, što znači da je preduzeće u toku 2020.godine nastojalo postići maksimalne uštede u svim segmentima i pri tome zadržati kontinuitet a i kvalitet poslovanja.

- 6) Prema tome, u periodu od 01.01.-31.12.2020.godine preduzeće je ostvarilo ukupne prihode u iznosu od **1.118.947,00 KM** a ukupne rashode u iznosu od **1.155.314,00 KM**. Dakle, u izvještajnom periodu ostvaren je višak rashoda nad prihodima odnosno gubitak u iznosu od **36.367,00 KM**.

Zaključak

Obzirom na epidemiološku situaciju i ostale probleme koji su pratili poslovanje JP "Horizontala-Živinice" d.o.o. Živinice tokom 2020.godine te su doveli do skoro dvomjesečnog prestanka rada korisnika javnih površina, zatvaranja parkinga, smanjenja cijena zakupa javnih površina i slično, što je za rezultat imalo negativne finansijske efekte na cjelokupno poslovanje a naročito na naše najprofitabilnije djelatnosti a to su upravljanje javnim površinama, javnim parkinzima, te prestanak rada pijace u trajanju od 6 mjeseci, smatramo da smo uspješno poslovali u 2020.godini, naročito ako se uzme u obzir činjenica da je negativan poslovni rezultat uslijedio najvećim dijelom zbog Rješenja Porezne uprave FBiH koje smo zaprimili 06.03.2020.godine a kojim su uknjižene dodatne obaveze odnosno rashodi koji su nastali kao rezultat odnosno posljedica poslovanja iz 2019.godine.



D.DIREKTOR:

Čazim Tulumović, dipl.pravnik